

Porfin Bushiri Hotel ta haya un bida atrobe awor cu Sol Melia a cumpra esaki

Sol Melia Aruba lo no ta un propiedad all-inclusive ora e habri su portanan fin di 2008

Contrario di otro propiedadnan cu nan ta opera rond mundo

ORANJESTAD – Tur cos ta mostra cu fin di 2008, Bushiri Hotel lo keda transforma den Sol Melia. Esaki a keda confirma ayera segun e website “Caribbean News Digital”. E compania precedente di Spanja, Sol Melia Hotels & Resorts lo dreña e mercado di Aruba cu e compra y renobacion di e proyecto aki, conoci como Bushiri Beach Hotel, cu tabata sera pa basta tempo caba. No ta haci mencion si, di e prijs cu nan lo a cumpra e hotel cu lo mester ta 11 miyon florin.

E facilidad lo inclui un casino, un spa, un beach club y varios restaurant y lo ta parti di un desaroyo patrocinado pa gobierno cu ta inclui un marina y compleho commercial banda di Oranjestad. Por conclui cu esaki lo ta parti di e terminal di turismo cu tambe lo cuminsa cu su fase e anja aki mes.

Segun donjonan di e cadena hotelero, e resort lo ta planea pa habri su portanan fin

di 2008. Mientras cu Sol Melia ta conoci di ta un hotel all inclusive, e propiedad na Aruba lo ofrece un combinacion di plan di alimento na su huespednan. E operacion di Sol Melia ta inclui Paradisus, cu ta opera hotelnan na Centro America, y Caribe. Nan tin propiedad na Europa tambe, Asia y mas caminda.

Cu binimento di Sol Melia, e ta pone fin na e problema cu tabatin cu Bushiri Hotel despues cu esaki a sera su portanan ora cu e grupo donjo Lowenstein a haya ta basta y no kier a sigui opera mas. A pone un candal na e porta cu ainda ta poni. E hotel mientrastanto a sufri danjonan severo y como tal e la para bira un ruina unda cu lo mester inverti basta placa pa upgrade esaki.

Tabatin hopi intencion di Lowenstein pa nan mes cumpra e hotel aki bek. Tabatin otro operadornan cu tabata interesa. Pero constantemente por a tende cu e grupo aki of aya no tabata

cumpli cu e rekesitonan of nan no tabata na tempo cu entrega di nan plannan. Tur e tempo aki, e discusion di cu si mester a bende e hotel mas caro y Sali for di un debe cu un di e banconan, Aruba Bank a keda bira un issue politico. Te cu awe, tin argumentonan kico mester a haci cu e proyecto aki enbes di laga esaki bai perdi manera cu e ta aworaki.

Awor porfin Sol Melia ta esun cu ta bai opera e hotel aki y ta bira mes momento donjo di dje.

